

增補百病辨證錄

卷三之四

咽喉門	七則	牙齒門	七則
口舌門	二則	鼻淵門	三則
日痛門	十二則	耳痛門	七則
血癰門	十一則	遍身骨痛門	四則
五鬱門	六則	咳嗽門	八則
喘門	四則	怔忡門	三則
驚悸門	二則	虛煩門	二則
不寐門	五則	健忘門	四則
癩癩門	六則	狂病門	六則
呆病門	三則	呃逆門	五則

山陰陳士鐸敬之甫號遠公又號朱華子著述
會稽陶式玉尚白甫號存齋又號
參訂

咽喉痛門

人有感冒風寒一時咽喉腫痛其勢甚急變成雙蛾者其症痰涎稠濁口渴呼飲疼痛難當甚則勺水不能入喉此陽火壅阻於咽喉視其勢若重而病實輕也夫陽火者太陽之火也太陽之火即膀胱之火也與腎經之火為表裏膀胱火動而腎經少陰之火即來相助故直沖於咽喉之間而肺脾胃三經之火亦復相隨而上升於是借三經之痰涎盡阻塞於咽喉結成火毒而不可解治法似宜連數經治矣然而其本實始於太陽泄膀胱之火而諸經之火自安矣但咽喉之地近於肺太陽既假道於肺經而肺經險要之地即狹路之戰場也安有舍戰場要地不解其圍而先搗其本國乎所貴者有兼治之法也方用破隘湯桔梗三錢甘草二錢柴胡一錢白芍五錢玄參三錢麻黃一錢天花粉三錢山豆根一錢水煎服一劑而咽喉寬再劑而雙蛾盡消矣方中散太陽之邪者居其二散各經之邪居其五尤加意於散肺之邪者由近以散遠也

此症用散蛾湯亦神效

射干枳殼蘇葉當歸各一錢甘草二錢桔梗三錢天花粉三錢山豆根八分麻黃五分水煎服一劑即愈

人有一時喉忽腫大而作痛吐痰如湧口渴求水下喉少快已而又熱呼水咽喉長成雙蛾既大且

昔有人患單蛾必須刺破可以吹藥乃病者畏懼必不許刺醫者訪以用小毫筆點之乃暗藏針於茅頭之內張其喉而刺破之其腫即消

赤其形宛如雞冠此喉痺之症即俗稱為纏喉風也乃陰陽二火並熾一乃少陽之相火一乃少陰之君火也二火齊發其勢更暴咽喉之管細小火不得遽泄遂遏抑於其間初作腫而後成蛾也蛾有二一雙蛾一單蛾也雙蛾生兩毒兩相壅擠中間反留一線之隙可通茶水藥劑尚可下嚥若單蛾則獨自成形反塞住水穀之路往往有勺水不能嚥者藥物既不可嚥又從何路以進藥食哉法宜先用刺法一則刺少商等穴尚欠切近用刀直刺其喉腫之處一分則喉腫必少消可用吹藥以開之吹藥方膽礬一分牛黃一分皂角燒灰末一分麝香三釐冰片一分為絕細末和勻吹入喉中必大吐痰而愈然後用煎劑方名救喉湯射干一錢山豆根二錢玄參一兩麥冬五錢甘草一錢天花粉三錢水煎服一劑而全愈也若雙蛾不必用刺法竟用此方玄參為君實足以瀉心腎君相之火况佐之豆根射干天花粉之屬以祛邪而消痰則火自歸經而咽喉之間關門肅清矣

此症用兩地湯

加減亦神

熟地生地玄參各一兩肉桂三分黃連大花粉各三錢水煎服下喉即愈不必二劑

人有咽喉腫痛日輕夜重喉間亦長成蛾宛如陽症但不甚痛而咽喉之際自覺一線乾燥之至飲水嚥之少快至水入腹而腹又不安吐涎如水甚多將涎投入清水中即時散化為水人以為此喉痛而生蛾也亦用瀉火之藥不特香無一驗且反增其重亦有勺水不能下嚥者蓋此症為陰蛾也陰蛾則日輕而夜重若陽蛾則日重而夜輕矣斯少陰腎火下無可藏之地直奔而上炎於

陰蟻治法古人多用桂附此偏不用以出奇桂附固為引火歸經之藥然其性大熱從盛道而過藥未入腹而喉先受其熱益增腫痛矣故不用桂附為妙

咽喉也治法宜大補腎水而加入補火之味以引火歸藏方用引火湯熟地三兩巴戟天一兩茯苓五錢麥冬一兩北五味二錢水煎服一劑而火自下歸咽喉之腫痛全消二劑即全愈方用熟地為君大補其腎水麥冬五味為佐重滋其肺金水相資子母原有滂沱之樂水旺足以制火矣又加入巴戟之溫則水火既濟水趨下而火已有不得不隨之勢更增之茯苓之前導則水火同趨而共安於腎宮不啻有琴瑟之和諧矣何必用桂附大熱之藥以引火歸原乎夫桂附為引火歸源之聖藥胡為棄而不用不知此等之病因水之不足而火乃沸騰今補水而仍用大熱之藥雖曰引火於一時畢竟耗水於日後予所以不用桂附而用巴戟天取其能引火而又能補水則腎中無乾燥之虞而咽喉有清肅之益此巴戟天所以勝桂附也

此症用收火湯亦可神效

熟地三兩山茱萸一兩茯苓五錢肉桂三錢水煎一碗探冷服一劑即消

人有咽喉乾燥久而疼痛人以為肺熱之故誰知是腎水之涸竭乎夫肺金生腎水者也肺氣清肅自能下生腎水惟肺氣既虛則肺中津液僅可自養而無如腎水大耗日來取給則剝膚之痛烏能免乎譬如父母未有不養贍其子者而處困窮窘迫之時則無米之炊何能止索飯啼饑之哭倘其子成立自能顧家為父母者不特可以取資而亦可免迫索之苦乃其子又伶仃狼狽不善謀生則子貧而父母更貧其乾枯之狀有不可形容者矣肺腎何獨不然故欲救肺之乾燥必先救腎之枯涸也方用子母兩富湯治之熟地三兩麥冬三兩水煎服一劑而燥少止三劑而痛少

止十劑而燥與痛盡去也。熟地滋腎救肺子之枯也。麥冬滋肺救腎母之涸也。上下兩治腎水有潤澤之歡則肺金自無焦焚之迫。猶人子無憔悴之色則父母自有安享之愉。此肺腎之必須薰治而熟地麥冬所以並用而能出奇也。

此症用金水湯亦佳

熟地山茱萸各一兩 天門冬地骨皮丹皮各三錢 沙參五錢 水煎服

人有生喉癰於咽門之間以致喉嚨疼痛者其症必先作瘡面紅耳熱而不可忍其後則嚙唾之時時覺乾燥必再加嚙唾而後快久則成形而作痛變為楊梅之紅瘰或痛或瘡而為癰矣夫癰必有蟲咽喉之地豈容生蟲世人往往得此病恬不為意到不能治而追悔於失治也不其晚乎此病因腎水之耗以致腎火之冲而肺金又燥清肅之令不行水火無既濟之歡金火有相形之勢兩相戰鬪於闕隘之間致成此症治法仍須補腎中之水而益其肺氣以大滋其化源兼用殺蟲之味以治其癰庶幾正固而邪散而蟲亦可以盡掃也。方用化癰神丹玄參一兩 麥冬一兩 五味子一錢 白薇一錢 鼠黏子一錢 百部三錢 甘草一錢 紫苑二錢 白芥子二錢 水煎服二劑而疼痛少痊又服四劑而癰中之蟲盡死矣。即不可仍用此方。方用潤喉湯熟地一兩 山茱萸四錢 麥冬一兩 生地三錢 秦白皮三錢 甘草一錢 貝母一錢 薏仁五錢 水煎服連服十劑而瘡與痛俱除矣。方中再加肉桂一錢 饑服冷服實為善後之策。又萬舉而萬全也。蓋從前多用微寒之藥恐致脾胃受傷加入肉桂以補火則水得火而無冰凍之憂土得火而有生發之樂下焦熱而上焦自寒。

也

此症先可用白微湯十劑後可
用微喉湯三十劑亦能奏功

白微湯 白微二錢 麥冬三錢 款冬花 桔梗各三分 百部二分 貝母
五分 生地三錢 甘草三分 水煎湯漱口 服日服一劑 服十日 盡死

洗喉湯 熟地二兩 麥冬一兩 甘草一
錢 白微五分 水煎服 一月全愈

人有生長膏染素耽飲酒勞心過度致咽喉臭痛人以為肺氣之傷誰知是心火太盛移熱於肺乎
夫飲酒傷胃胃氣薰蒸宜乎肺氣之熱矣然而胃火薰肺而胃土實生肺也故飲酒尚不傷肺惟
勞心過度則火起於心而肺乃受刑矣况胃火助之則火性炎上而咽喉乃成燔燒之路自然唾
涕稠粘口舌乾燥氣腥而臭而痛症乃成矣蓋心主五臭入肺而腥臭又何疑乎方用解腥丹甘
草二錢 桔梗二錢 麥冬五錢 桑白皮三錢 枯芩一錢 天門冬三錢 生地三錢 貝母五分 丹皮三錢
水煎服連服二劑而痛止再服四劑而臭除此方治肺而兼治心治心而兼治胃者也因膏染之
人其心肺之氣血原虛不滋益二經之氣血而但瀉其火則胃中之氣血必傷反增其火熱之焰
矣今補肺以涼肺補心以涼心補胃以清胃而火自退舍不止咽喉之痛而痛自定也

此症用息夫
湯亦可

黃連甘草黃芩各一錢 麥冬五錢 天冬生地玄參各三錢 紫苑
天花粉石膏各二錢 竹葉三十片 陳皮三分 水煎服四劑愈

人有咽喉腫痛食不得下身發寒熱頭疼且重大便不通人以為熱也誰知是感寒而成之者乎然
而人不敢信為寒也論理用逍遙散散其寒邪而咽喉之痛即解雖寒人不敢信為寒以用祛寒

之藥獨不可外治以辨其寒乎法用木通一兩葱十條煎湯浴於火室中如是熱病身必有汗而咽喉之痛不減也倘是感寒雖湯火大熱淋洗甚久斷然無汗乃進道遙散必然得汗而咽喉之痛立除此法辨寒熱最確不特拘之以治感寒之喉痛也

此症用紫白

散亦妙

紫蘇茯苓各三錢半夏一錢陳皮五分
甘草一錢白朮二錢水煎服一劑即愈

牙齦痛門

人有牙齦痛甚不可忍涕淚俱出者此乃臟腑之火旺上行於牙齦而作痛也治法不瀉其火則不能取效然火實不同有虛火有實火大約虛火動於臟實火起於腑而實火之中有心包之火有胃火虛火之中有肝火有脾火有肺火有腎火同一齦痛何以別之不知各經在齦牙之間各有部位也兩門牙上下四齒同屬心包也門牙旁上下四齒屬肝也再上下四牙乃胃也再上下四牙乃脾也再上下四牙乃肺也再上下之牙乃腎也大牙亦屬腎腎經有三牙齦多者貴治病不論多寡總以前數分治之多驗火既有如許之多而治火之法宜分經以治之矣雖然吾實有統治火之法方用治牙仙丹玄參一兩生地一兩水煎服無論諸火服之均效察其為心包之火加黃連五分察其為肝經之火加炒梔子二錢察其謂胃經之火加石膏五錢察其為脾經之火加知母一錢察其為肺經之火加黃芩一錢察其為腎經之火加熟地一兩飲一劑而火輕再劑而火散四劑而平復如故矣夫火既有虛實不同何以一方而均治不知火之有餘無非水之不足

分經如
藥不可
不知

也哉滋其陰則陰陽之火無不相戢矣况玄參尤能瀉浮遊之火生地亦能止無根之焰二味又瀉中有補故虛實咸宜實治法之巧而得其要者也况又能辨各經之火而加入各經之藥有不取效如神乎或曰大生於風牙齒之疼未有不兼風者治火而不治風恐非妙法不知火旺則生風未聞風大而生火人身苟感風邪則身必發熱斷無風止入牙而獨痛之理况火病而用風藥反增其火熱之勢是止痛而愈添其痛矣或疑膀胱有火肝經有火心經有火大小腸三焦俱有火何俱遺之而不言不知臟病則腑亦病腑病則臟亦病治臟不必治腑瀉腑不必瀉臟况膀胱心與三焦大小腸俱不入於牙齒故畧而不談也

此症外治亦可用畢荒湯

畢荒花各二錢水一碗煎半盞漱口即止痛

內治用沙豆湯亦妙
沙參一兩荊芥丹皮各三錢山豆根一錢水煎服二劑即愈

人多食肥甘齒牙破損而作痛如行來行去者乃蟲痛也夫齒乃骨之餘其中最堅何能藏蟲乎不知過食肥甘則熱氣在胃胃火日冲於口齒之間而濕氣乘之濕熱相搏而不散乃蟲生於牙矣初則止生一二蟲久則蕃衍而多於是蝕損其齒遂致墮落一齒既朽又蝕餘齒往往有終身之苦者此等之痛必須外治若用內治之藥未必殺蟲而臟腑先受傷矣方用五靈至聖散五靈脂三錢研絕細末白微三錢細辛五分骨碎補五分各研為細末先用滾水含漱齒至淨然後用前藥末五分滾水調如稀糊含漱齒半日至氣急吐出如是者三次痛止而蟲亦死矣斷不再發蓋齒痛原因蟲也五靈脂白微最殺蟲於無形加入細辛以散火骨碎補以透骨引五靈脂白微

蟲痛宜
外治不
宜內治

火牙之痛必須降火然純用降火之藥則火反不肯降也遠公言是

直進於骨內則蟲無可藏盡行勒殺蟲死而痛自止也

此症用破顏丹亦可外治甚效

丹砂三分麝香半分冰片一分雄黃一錢為細末將末捺於痛處口吐涎而痛立止

內治亦可

安寧飲

玄參生地麥冬各五錢白微一錢骨碎補五錢天門冬三錢水煎服三劑亦愈

人有牙痛日久上下牙牀盡腐爛者至飲食不能用日夜呼號此乃胃火獨盛有升無降之故也人身之火惟胃最烈火既升於齒牙而齒牙非藏火之地於是焚燒於兩頰而牙床紅腫久則腐爛矣似乎亦可用治牙仙丹加石膏以治之然則其火蘊結可用前方以消弭於無形今既已潰破腐爛則前方又不可用以其有形難於補救也方用竹葉石膏湯加減石膏五錢知母二錢半夏二錢茯苓三錢麥冬三錢竹葉二百片葛根三錢青蒿五錢水煎服連服四劑而火退腫消矣然後再用治牙仙丹以收功也石膏湯以瀉胃火用之足矣何加入葛根青蒿也不知石膏但能降而不能升增入二味則能引石膏至於齒牙以逐其火而葛根青蒿尤能退胃中之陰火所以同用之以出奇陰陽之火盡散齒牙之痛頓除何腐爛之不漸消哉

此症可用石

母降炎湯

石膏茯苓荆芥炒黑各三錢知母一錢麥冬一兩玄參一兩甘草一錢升麻五分天花粉三錢水煎服四劑全愈

人有牙齦疼痛至夜而其呻吟不卧者此腎火上冲之故也然腎火乃虛火非實火也若作火盛治

之多不能勝即作虛火治之亦時而效時而不效蓋火或當作火良有餘當認作不足乃下虛寒而上現假熱也人身腎中不寒則龍雷之火下安於腎宮惟其下寒之甚而水又無多於是上冲於咽喉而齒牙受之正如龍雷之火至冬則地下温煖而龍雷皆蟄春氣發動則地底寒冷而不可蟄乃隨陽氣上升矣至於夜分尤腎水主事水不能養火而火自遊行於外仍至齒而作崇譬如家寒難以棲處必居子舍而作威而子又貧乏自然觸動其怒氣矣治法急大補其腎中之水而益以補火之味引火歸源則火有水以養之自然快樂而不至於上越矣方用八味地黃湯加骨碎補治之一劑而痛止再劑而痛不發也蓋六味地黃湯補其腎水桂附引火以歸於命門但補水引火之藥不先入齒中則痛之根不能除所以必用骨碎補以透入齒骨之中而後直達於命門之內此拔本塞源之妙法耳

此症亦可用

刺火湯

熟地二兩生地一兩玄參五錢肉桂三分骨碎補一錢車前子二錢水煎服二劑即止痛

人有上下齒牙疼痛難忍閉口少輕閉口更重人以為陽明之胃火也誰知是風閉於陽明太陽二經之間乎此病得之飲酒之後開口向風而臥風入於齒牙之中留而不出初小疼而後大痛也論理去其風宜愈而風藥必耗人元氣因虛以入風又耗其氣則氣愈虛風邪即欺正氣之怯而不肯出疼終難止也古人有用灸法甚神灸其肩髃近骨後縫中小舉臂取之當骨解陷中灸五壯即差但灸後項必大痛良久乃定而齒疼永不發也然而人往往有畏灸者可用散風定痛

灸法固神而湯劑亦妙

湯治之白芷三分石膏二錢升麻三分梧桐淚一錢當歸三錢生地五錢麥冬五錢乾葛一錢天
花粉二錢細辛一錢水煎服一劑輕二劑即愈不必三劑也此方補藥重於風藥正以風得補而
易散也

此症可用
宣揚散

柴胡五分白芍五錢甘草白芷乾葛細辛各一錢
青蒿三錢天花粉三錢石膏二錢水煎服二劑愈

人有上下齒痛甚口吸涼風則暫止閉口則復作人以為陽明之火盛也誰知是濕熱壅於上下之
齒而不散乎夫濕在下易散而濕在上難祛蓋治濕不外利小便也水濕下行其勢順水濕上散
其勢逆且濕從下受易於行濕從上感難於散故濕熱感於齒牙之間散之尤難以飲食之水皆
從口入必經齒牙下已濕而重濕乎濕重不散而火且更重矣所以經年累月而痛不能止也治
法必須上祛其濕熱又不可單利小便當佐之以風藥則濕得風而燥熱得風而涼濕熱一解而
齒痛自愈矣方用上下兩疏湯茯苓五錢白木三錢澤瀉二錢薏仁五錢防風五分白芷三分升
麻三分荆芥二錢梧桐淚五分甘草一錢水煎服四劑而濕熱盡解而風亦盡散也蓋茯苓白木
澤瀉薏仁原是上下分水之神藥又得防風白芷升麻荆芥風藥以祛風夫風能散濕兼能散火
風大既散則濕邪無黨安能獨留於牙齒之間耶仍恐邪難竟去故加入甘草梧桐淚引入齒縫
之中使濕無此須之留又何痛之不止耶况甘草緩以和之自不至相襍而相犯也

口舌門

有婦人產子舌出不能收人以為舌脹也誰知是難產心驚之故乎夫舌乃心之苗心氣安而舌安心氣病而舌病產子而胞胎已破子不能產欲顧子而母命恐亡欲全母而子命難保其心中驚恐自必異於常時心氣既動心火必不寧矣胎胞之系原通於心用力產子而心為之懼故子下而舌亦出也舌出不收心氣過升之故治法必須降氣為主古人有以恐勝之者然舌出由於心驚復因驚以增其恐吾恐愈傷心氣矣雖舌驟收未必不隨收而隨出也故降氣必須補心而不可增其恐方用助氣鎮心丹人參三錢茯神二錢菖蒲五分硃砂一錢不可火製五味子一錢水煎含漱久之然後嚥下一劑即收二劑全愈此方用硃砂以鎮心又得人參以生氣氣旺則火自歸心火歸而焰息舌亦隨焰而自收矣何必增其恐懼而氣始下哉

此症亦可用
敬舌神丹

人參一兩五味子一錢麥冬一錢附子一片
菖蒲良薑各三分水煎含漱嚥下一劑即收

人有舌下牽強手大指次指不仁兩臂麻木或大便閉結或皮膚赤暈人以為風熱之病也誰知是惱怒所致因鬱而成者乎夫舌本屬陽明胃經之土而大腸之脈散居舌下舌下牽強是陽明胃與大腸之病也然非無因而至因肝氣不伸木剋胃土則土虛而不能化食遂失養於臂指經絡之間而麻木不仁之症生臂指經絡失養何能外潤於皮膚乎此赤暈之所以起也胃土受肝木之剋則胃氣大燥無血以資大腸因熱以生風腸中秘結益失其傳導之職矣治法必須通大腸而健胃又必平肝以補血方用八珍湯加減治之人參一錢當歸五錢白芍五錢柴胡一錢陳皮

此等症
因鬱而
成者宜
用逍遙
散合用
八珍湯

辨

證

錄

卷三

口舌門

六

者加柴
胡猶之
舒鬱

膽能清
酒喻嘉
言曾言
之然未
嘗論及
鼻淵之
症

五分甘草一錢槐角一錢白朮一錢熟地五錢半夏五分茯苓一錢水煎服二劑輕四劑又輕十劑全愈八珍湯補氣補血之方也加入柴胡以舒肝增入槐角以清大肝之鬱解而胃之氣自旺胃氣旺而轉輸自暢矣

此症用頭養
湯亦妙

當歸一兩香附茯神丹皮玄參各三錢柏子仁沙參黃芩
各二錢遠志五分麥冬五錢甘草一錢水煎服四劑愈

鼻淵門

人有無端鼻流清水者久則流涕又久則流黃濁之物如膿如髓腥臭不堪聞者流至十年而人死矣此病得之飲酒太過臨風而臥風入膽中膽之酒毒不能外泄遂移其熱於腦中夫腦之竅通於鼻而膽之氣何以通於腦而酒之氣何以入於膽耶凡善飲酒者膽氣自旺且多叫號故酒先入膽而膽不勝酒即不及化酒而火毒存於其中矣夫膽屬木最惡者寒風者外寒相侵則內熱愈甚膽屬陽而頭亦屬陽膽移熱而上走於頭腦在頭之中頭無可藏熱之處故過穴而即入况膽與腦原是相通腦之穴大過於膽遂樂於相安居之而不肯還入於膽矣迨居腦既久而動極思遷又尋竅而出乃順趨於鼻矣火毒淺而涕清大毒深而涕濁愈久愈流而愈重後則涕無可流併腦髓而盡出欲不死而不可得矣治法治其腦可也然治其腦必仍治其膽者探源之治也方用取淵湯辛夷二錢當歸二兩柴胡一錢炒梔子三錢玄參一兩貝母一錢水煎服一劑涕減再劑涕又減三劑病全愈蓋辛夷最能入膽引當歸以補腦之氣引玄參以解腦之火加柴胡梔

子以舒膽中之鬱熱則膽不來助大而自受補氣之益也然不去止鼻中之涕者清腦中之火益腦中之氣正所以止之也蓋鼻中原無涕逼抑上游出涕之源何必截下流之水乎此治法之神耳或疑當歸過於多用不知腦髓盡出不大補則腦之氣不生辛夷耗散之物非可常用也故乘其引導大用當歸以補腦添精不必日後之再用倘後日減去辛夷即重用當歸無益矣此用藥先後之機又不可不識也人疑當歸之不可多用者不過嫌其性滑有妨於脾耳誰知腦髓直流之人必髓不能化精者也精不能化則精必少精少則不能分布於大腸必有乾燥之苦然則用當歸以潤之正其所喜何慮之有

此症用探淵丹亦能奏功

辛夷一錢當歸五錢麥冬二兩茯苓三錢黃芩二錢白芍一兩天花粉三錢生地五錢桔梗二錢水煎服四劑全愈

人有鼻流清涕經年不愈是肺氣虛寒非腦漏也夫腦漏即鼻淵也原有寒熱二症不止胆熱而成之也然同是鼻淵而寒熱何以分乎蓋涕臭者熱也涕清而不臭者寒也熱屬實熱寒屬虛寒茲但流清涕而不腥臭正虛寒之病也熱症宜用清涼之藥寒症宜用溫和之藥倘醫用散而不用補則損傷肺氣而肺金益寒愈流清涕矣方用溫肺止流丹訶子一錢甘草一錢桔梗三錢石首魚腦骨五錢煨過存性為末荆芥五分細辛五分人參五分水煎調服一劑即止流矣不必再服也此方氣味溫和自能煖肺而性又帶散更能祛邪故奏功如神或謂石首腦骨古人以治內熱之鼻淵是為寒物何用之以治寒症之鼻淵耶不知鼻淵實有寒熱二症而石首腦骨寒熱二症

辨

證

錄

卷三

鼻淵門

七

皆能治之但熱症之涕通於腦寒症之涕出於肺我用羣藥皆入肺之藥也無非溫和之味肺既寒涼得溫和而自解復得石首腦骨佐之以截腦中之路則腦氣不下陷而肺氣更閉矣所以一劑而止流也

人有鼻塞不通濁涕稠黏已經數年皆以為鼻淵而火結於腦也誰知是肺經鬱火不宣有似於鼻淵而非鼻淵乎夫鬱病五臟皆有不獨肝木一經之能鬱也內經曰諸氣臍鬱皆屬於肺肺氣鬱則氣不通而鼻乃肺經之門戶故肺氣不通而鼻之氣亦不通也難經曰肺熱甚則出涕肺本清虛之府最惡者熱也肺熱則肺氣必粗而肺中之液必上沸而結為涕熱甚則涕黃熱極則涕濁敗濁之物豈容於清虛之府自必從鼻之門戶而出矣方用逍遙散加味治之柴胡二錢當歸三錢白朮二錢陳皮五分甘草一錢黃芩一錢茯苓二錢白芍三錢白芷一錢桔梗三錢半夏一錢水煎服一劑輕二劑又輕連服八劑全愈此方治肝木之鬱者也何以治肺鬱而亦效不知道逍散善治五鬱非獨治肝經一部之鬱已也况佐之桔梗散肺之邪加之黃芩瀉肺之熱且引羣藥直入肺經何鬱之不宣乎故壅塞通稠濁化也

此症用宣肺

散亦佳

柴胡黃芩紫苑各二錢白芍一兩當歸麥冬各五錢茯苓白芥子各三錢甘草款冬花各一錢紫蘇一錢早朮五分水煎服四劑愈

耳痛門 附耳聾

人有雙耳忽然腫痛內流清水久則變為膿血者身發寒熱耳內如沸湯之響或如蟬鳴此少陽膽

氣不舒而風邪乘之火不得散故生此病法宜舒發膽氣而佐之祛風瀉火之藥則愈矣然有治之而不效者何也蓋膽受風火之邪燥乾膽汁徒用祛風瀉火之湯則膽汁愈乾膽火益熾火借風威愈肆焚燒而耳病轉甚矣方用潤膽湯白芍一兩當歸一兩柴胡一錢炒梔子二錢玄參一兩天花粉三錢菖蒲八分水煎服一劑而痛輕二劑而腫消三劑而膿血止四劑而寒熱盡除十劑而全痊也歸芍不特入膽而且入肝也膽病肝必病平肝則膽亦平也柴胡梔子亦是舒肝之藥舒肝正所以舒膽肝血自旺而膽汁有不濡潤者乎邪風邪火已有不治自散之機乃加天花粉之逐痰則風火無黨用菖蒲通耳中之竅引玄參以退浮遊之焰自然風火漸祛上焦清涼而耳病隨愈也

此症用止鳴丹亦效

白芍五錢柴胡二錢炒梔子三錢生地三錢麥冬三錢菖蒲五分茯苓二錢半夏五分水煎服數劑即愈

人有耳中如針之觸而生痛者並無水生止有聲涕皆云火邪作祟不知乃腎水之耗也夫腎開竅於耳腎氣不足則耳閉然耳閉之前必痛而後閉何也蓋腎火冲之也火冲而不得出則火之路塞而不通於是火不再走於耳而成聾矣但火既上冲於耳而火之路何以致塞蓋火邪上冲耳竅之內如有物塞之狀故此等之病必須速治否則成聾而難治矣方用益水平火湯熟地一兩生地一兩麥冬一兩玄參一兩菖蒲一錢水煎服一劑而痛止二劑而響息三劑而全愈而且不再聾也四味乃補水之藥又能於水中瀉火且不損傷腎氣則腎火自降菖蒲引腎氣而上通本

老人耳聾多是虛火作祟補水之法定治聾之

法也

得路而上達又何有阻抑之虞乎此等之病老人最多老人耳聾雖高壽之徵似可不必施治不知已成之聾不必治未成之聾正不可不治也此方治已聾者尚有奇功矧治未聾之耳有不取效者哉

此症亦可用
息沸湯

熟地二兩山茱萸一兩麥冬五錢北五味十粒
菖蒲一錢遠志五分丹參三錢水煎服十劑愈

人有耳痛之後雖愈而耳鳴如故者人以為風火猶在耳也仍用祛風散火之藥而鳴且更甚然以手按其耳則其鳴少息此乃陽虛而氣閉也法宜補陽氣為主而兼理其肝腎之虛方用發陽通陰湯治之人參二錢茯苓三錢白朮二錢黃芪三錢肉桂五分熟地五錢當歸二錢白芍三錢柴胡一錢甘草五分白芥子二錢荆芥炒黑一錢水煎服一劑輕二劑愈不必三劑也此方即十全大補之變方也治氣血之虛者實有相宜茲何治陽虛而亦宜也不知陽虛而陰未有不俱虛者倘單補陽虛以助其陽恐陽旺陰衰轉動其火不若兼補其陰則陰足以制陽陰陽相濟而彼此氣通蟬鳴之聲頓除也

此症可用
開閉丹

黃芪一兩當歸五錢肉桂甘草各五分菖蒲遠志
柴胡香附各一錢天花粉二錢水煎服二劑愈

人有雙耳聾閉雷霆喧呼之聲終不相聞而耳內不痛此大病之後或年老人有之乃腎火內閉而氣塞也最難取效法當內外兼治內治必須大補心腎雖耳屬腎而非心氣之相通則心腎不交反致阻塞故必用補腎之藥使腎之液滋於心即宜用補心之劑使心之氣降於腎心腎之氣既

補腎以
治聾人

陽虛耳
聾亦宜
補陰
是為全
治法